

國立中央大學八十八學年度碩士班研究生入學試題卷

所別： 中國文學研究所 甲乙組 科目： 國文 共壹頁 第壹頁

一、專題寫作一篇。(50%)

題目：IQ、EQ 的自我評量

二、語文測驗

1. 斷句並語譯下列文句。(20%)

大學之法禁於未發之謂豫當其可之謂時不陵節而施之謂孫相觀而善之謂摩此四者教之所由興也發然後禁則扞格而不勝時過然後學則勤苦而難成雜施而不孫則壞亂而不脩獨學而無友則孤陋而寡聞燕朋逆其師燕辟廢其學此六者教之所由廢也（禮記·學記）

2. 閱讀下列三段文字後，試述為文之道、寫作態度與技巧、為文根柢之我見。(30%)

陶鈞文思貴在虛靜疏澹五藏澡雪精神積學以儲資酌理以富才研閱以窮照馴致以繹辭然後使玄解之宰尋聲律而定墨獨照之匠窺意象而運斤此蓋馭文之首術謀篇之大端（文心雕龍·神思）

吾每為文章未嘗敢以輕心掉之懼其剽而不留也未嘗敢以怠心易之懼其弛而不嚴也未嘗敢以昏氣出之懼其味沒而雜也未嘗敢以矜氣作之懼其偃蹇而驕也抑之欲其奧揚之欲其明疏之欲其通廉之欲其節激而發之欲其清固而存之欲其重此吾所以羽翼夫道也本之書以求其質本之詩以求其恆本之禮以求其宜本之春秋以求其斷本之易以求其動此吾所以取道之原也參之穀梁氏以厲其氣參之孟荀以暢其支參之莊老以肆其端參之國語以博其趣參之離騷以致其幽參之太史以著其潔此吾所以旁推交通而以為之文也（柳河東集·答韋中立論師道書）

大抵剽竊前言句摹字擬是為戒律之首稱人之善依於庸德不宜褒揚溢量動稱奇行異徵鄰於小說誕妄者之所為貶人之惡又加慎焉一篇之內端緒不宜繁多譬如萬山旁薄必有主峰龍衰九章但擊一領否則首尾衝決陳義蕪雜滋足戒也（曾文正公全集·復陳太守寶箴書）